

纪氏祖训十则

一、孝父母

人子之身，本乎父母。未离怀抱，三年劳苦。恩斯勤斯，维持维怙。孝道有亏，百行难补。乌鸟反哺，羔羊跪乳。勉尔后生，悖逆何取。

二、和兄弟

孔怀兄弟，同根所生。手足谊重，羽翼情深。兄当爱弟，弟应敬兄。埧簏并奏，和乐有声。周公棠棣，田氏紫荆。勉尔后生，小忿无争。

三、别夫妇

男女居室，人之大伦。附远厚别，礼经所申。夫妇有别，父子相亲。无别无义，走兽为邻。举案齐眉，敬之如宾。愿我后裔，倡随有真。

四、序长幼

乡党长幼，义在和平。年长以倍，父事非轻。十年以长，兄事有情。饮食须让，言语必诚。坐立居下，步履徐行。愿我后生，莫效骄盈。

五、睦宗族

譬诸水木，宗族宜敦。千枝万派，同一本源。何达何近，谁卑谁尊？相亲相睦，推德推恩。公毅九世，江州义门。

勉尔后生，古风是尊。

六、严内外

凡为宫室，内外必辨。男不内入，女不外践。深宫固门，踰闲绝鲜。授受不亲，乞假胥免。敬姜陆母，着训明显。勉尔后生，严谨为害。

七、训子孙

子行不善，父教不先。放僻邪侈，起于英年。严禁非为，子孙乃贤。诗书执礼，孝弟力田。少若性成，习惯自然。愿我后裔，无稍忽焉。

八、勤执业

天生四民，业各有常。士谋道艺，农望收藏。作为在工，

贸易惟商。心安固守，力勤精详。立身有本，处世亦良。
勉尔后生，毋怠毋荒。

九、明义利

天地之间，物各有主。非吾所有，一毫莫取。见利思义，
圣贤训诂。盗跖贪污，夷齐清苦。浊富一时，廉名千古。
勉尔后生，净淘肝腑。

十、慎宫守

幸登士籍，须警官箴。清慎与勤，三字思沈。勤谨和缓，
四言意深。致君在身，泽民在心。孟尝环珠，杨震却金。
勉尔后生，贪墨谁钦。